

თემის მოსახლეობის კატასტროფებისთვის
მზადყოფნისა და რეაგირების გეგმა

თ ე ლ ა ვ ი სოფელი ბუშეთი

თბილისი 2014

შესავალი

უკანასკნელ წლებში კახეთის რეგიონში გააქტიურებული ბუნებრივი კატასტროფები და მათგან გამოწვეული უარყოფითი შედეგები მხარის ერთ-ერთ ყველაზე სერიოზულ პრობლემად განიხილება.

სპეციალისტების მოსაზრებით, კატასტროფების სიხშირისა და ინტენსივობის ზრდა ფაქტორთა კომპლექსითაა განპირობებული, რომელთა შორისაც აღსანიშნავია:



- გლობალური დათბობა და ჩვენი ქვეყნისთვის უკვე საგრძნობი კლიმატის ცვლილება;

- დაბალი ეკოლოგიური ცნობიერება და გარემოზე ზემოქმედების მზარდი მასშტაბები.

ამ თვალსაზრისით, თემის მოსახლეობის კატასტროფებისთვის მზადყოფნისა და რეაგირების გეგმის არსებობას დიდი მნიშვნელობა ენიჭება, რათა მოსახლეობა მზად შეხვდეს

თემისთვის დამახასიათებელ კატასტროფებსა და იცოდეს, თუ რა უნდა გააკეთოს, სად წავიდეს და ვის მიმართოს კატასტროფის დადგომამდე, კატასტროფის დროს და მის შემდეგ.

თელავის მუნიციპალიტეტი

ზოგადი ცნობები:

ადმინისტრაციული ცენტრი: ქალაქი თელავი;

ფართობი-10945.5 კმ²;

კლიმატი -ზომიერად ნოტიო სუბტროპიკული ზონა;

მოსახლეობა სულ - 70 589 კაცი; აქედან ქალაქ თელავში -

21 805 კაცი; სოფლებში - 48 784 კაცი;

წყლის ძირითადი არტერიები - ძირითადი მდინარეები:

ალაზანი, სტორი, კისისხევი, ლოპოტა, თურდო,

თელავისხევი;

მანძილი დედაქალაქამდე - 158 კმ; 90 კმ გომბორით;

თელავის ტერიტორიაზე მოსალოდნელია შემდეგი

რისკები: წყალდიდობა, მიწისძვრა, ქარიშხალი, სეტყვა,

გვალვა, ხანძარი (მინდვრების, ტყის), მეწყერი.



სოფელი ბუშეტი

ზოგადი ცნობები:

სოფელი ბუშეტი მდებარეობს თელავის

მუნიციპალიტეტში, 10 კმ ით არის დაშორებული ქალაქი თელავიდან.

სოფელ ბუშეტის მოსახლეობა შეადგენს 1233 ადამიანს აქედან: 634 - ქალია, 599- კაცი.

ბუნებრივი პირობების მოკლე დახასიათება

კლიმატი - მხარის კლიმატი ზომიერია, საშუალო წლიური ტემპერატურა დაახლოებით 9 C⁰, შესაძლებელი მაქსიმუმია 39 C⁰, ხოლო შესაძლებელი მინიმუმი -16 C⁰. ნალექების რაოდენობა წელიწადში საშუალოდ 770მმ-ია, მაქსიმუმი - 930მმ, მინიმუმი - 450 მმ.

სოფელი ბუშეტის – განსახლების ტიპი

სოფელი ბუშეტი მდებარეობს ქალაქი თელავიდან 10 კმ-ში. იგი მოქცეული სოფელ ქვემო ხოდაშენსა და ვანთას შორის. სოფელში საცხოვრებელი სახლები ძირითადად არის 1-2 სართულიანი. შენობების ძირითადი ნაწილი აშენებულია წლების წინ, ისინი საკმაოდ მოძველებულია და მათი უმრავლესობა საჭიროებს რეკონსტრუქციას. მოსახლეობიდან და სამუშაო შეხვედრების მონაწილეებისგან მიღებული ინფორმაციის თანახმად, სოფელში გვხვდება სამეურნეო მიწის ნაკვეთები.

სოფელ ბუშეტში არ არის წარმოდგენილი სახანძრო სამაშველო, ან სამედიცინო პუნქტები. საჭიროების შემთხვევაში სოფელს ემსახურება ქალაქ თელავის სამსახურები. მიუხედავად ამისა იმის გათვალისწინებით რომ სოფელი ბუშეტი საკმაოდ ახლოს არის ქალაქიდან, ეს ფაქტი დამატებით პრობლემებს არ ქმნის.

ხიფათები



თელავში, ასევე სოფელ ბუშეტში, ბუნებრივი სტიქიური მოვლენების (წყალდიდობა, ძლიერი წვიმა, სეტყვა, ქარიშხალი, მიწისძვრა, გვალვა, მეწყერი, ტყის და მინდვრების ხანძრის) შედეგად ყოველწლიურად ზარალდება მოსახლეობა, სახლები, გზები და ხიდები. ბუნებრივი სტიქიების გააქტიურების მიზეზი არის

ტემპერატურის სწრაფი მატება, კოკისპირული წვიმები და თოვლის სწრაფი დნობა. ასევე მოსახლეობის მიერ ბუნებრივი რესურსების დიდი რაოდენობით მოხმარება მაგალითად წლების მანძილზე მიმდინარეობს ტყეების ჩახვა, რის გამოც მატულობს ბუნებრივი კატასტროფების რისკი. (მეწყერი, წყალდიდობა)

სამუშაო პროცესში სამიზნე ტერიტორიაზე არსებულ ძირითად ხიფათებად მოსახლეობის გამოკითხვის შედეგად და სამუშაო ჯგუფის მონაწილეების მიერ მოწოდებულ ინფორმაციაზე დაყრდნობით დასახელდა:

- წყალდიდობა;
- ძლიერი წვიმა, სეტყვა (ქალაქის დატბორვა);
- მიწისძვრა.

ქალაქი ყვარლის კატასტროფის რისკის ქვეშ არსებული ტერიტორიები

1. ბუშეტის ხევის მიმდებარე ტერიტორია -დატბორვის საშიშროება;
2. მთელი ტერიტორიაზე არსებობს მიწისძვრის დროს ნგრევის საშიშროება (შენობა ნაგებობები არის საკმაოდ მოძველებული);

სოფელი ბუშეტის მთავარი შესაძლებლობები



1. ჯანდაცვის ობიექტები;
2. სამართალდამცავი ორგანოები;
3. სახანძრო-სამაშველო სამსახური;
4. კვების ობიექტები;
5. სასურსათო მაღაზიები;
6. სააფთიაქო ქსელი;
7. მოხალისეები.

კატასტროფების დროს მთავარი მორეაგირებები

1. სოფელი ბუშეტის რწმუნებული;
2. ქ. თელავის გამგეობა;
3. ქ. თელავის საკრებულო;
4. სახანძრო-სამაშველო სამსახური;
5. სასწრაფო დახმარების ბრიგადები;
6. პოლიცია;
7. თემისა და სწჯს-ის მოხალისეები;
8. მოსახლეობა.



ყველაზე დაცული/უსაბრთხო ადგილები

1. სტადიონი და სხვა ფართოდ გაშლილი ადგილები - მიწისძვრის დროს;
2. შემალლებული ადგილები - წყალდიდობის დროს;
3. ეკლესია;

ყველაზე დაუცველი ჯგუფები

1. შეზღუდული შესაძლებლობების პირები;
2. ბავშვები;
3. მოხუცები.

ნაბიჯები უსაფრთხოებისათვის:

1. მიიღეთ ინფორმაცია მოსალოდნელი საფრთხეების შესახებ;
2. დაურეკეთ რეგიონული ან ადგილობრივი მთავრობის წარმომადგენლებს, მაშველთა სამსახურს ან წითელ ჯვარს;
3. იკითხეთ, როგორი ტიპის კატასტროფებია დამახასიათებელი თქვენი დასახლებისათვის და როგორ უნდა მოემზადოთ თითოეული მათგანისათვის;
4. შეისწავლეთ თქვენი თემისათვის გამაფრთხილებელი სიგნალები – თუ როგორ ჟღერს ისინი და რა უნდა მოიმოქმედოთ თითოეული მათგანის გაგონებისას;
5. იკითხეთ თქვენი თემის რეაგირებისა და ევაკუაციის გეგმების შესახებ და შეისწავლეთ სამოქმედო ინსტრუქცია;
6. შეამოწმეთ საგანგებო სიტუაციების გეგმის ხელმისაწვდომობა თქვენს სამსახურში და სკოლაში, სადაც თქვენი ბავშვები სწავლობენ;
7. მოამზადეთ საგანგებო სიტუაციებზე რეაგირების გეგმა და განიხილეთ თქვენს ოჯახთან ერთად. აუხსენით თქვენს ბავშვებს მიწისძვრის, წყალდიდობის ან მკაცრი ამინდით გამოწვეული საფრთხის შესახებ. გაანაწილეთ პასუხისმგებლობა თქვენი ოჯახის წევრებს შორის.



გახსოვდეთ! აუცილებლად უნდა გამორთოთ ყოველდღიური საოჯახო ელექტრომოწყობილობები. თუ ეჭვობთ, რომ ისინი დაზიანდა, ან თუ იცით ამის შესახებ გახსოვდეთ, რომ მხოლოდ სპეციალისტს შეუძლია ჩართოს ისინი კვლავ. განიხილეთ, რა ტიპის კატასტროფებია უფრო ხშირი თქვენი დასახლებისათვის და აუხსენით ოჯახის წევრებს, თუ რა მოიმოქმედონ მათი მოახლოებისა და დადგომის შემთხვევაში. წინასწარ შეარჩიეთ ორი უსაფრთხო ადგილი, სადაც შეგიძლიათ შეხვდეთ ერთმანეთს:

7.1. თქვენი სახლის წინ, უეცარი საგანგებო სიტუაციის დროს, მაგალითად, ხანძრის შემთხვევაში

7.2. მეზობელ ეზოში, თუ ვერ შეძლებთ სახლში დაბრუნებას. სთხოვეთ სხვა თემში ან სხვა ქალაქში მცხოვრებ მეგობარს, იყოს თქვენი ოჯახის “საკონტაქტო” პირი, რადგან კატასტროფების შემდეგ, ხშირ შემთხვევაში, უფრო ადვილია დარეკოთ შორეულ დასახლებაში. თქვენი ოჯახის წევრებმა ხშირად უნდა დაურეკონ ამ პირს და აცნობონ თავიანთი ადგილმდებარეობის შესახებ. ყველა წევრმა უნდა იცოდეს მისი მისამართი და ტელეფონის ნომერი მუდმივი კონტაქტის შესანარჩუნებლად განიხილეთ,

თუ რა უნდა გააკეთოთ ევაკუაციის დროს. განსაზღვრეთ, როგორ უნდა იზრუნოთ შინაურ ცხოველებზე.

შეავსეთ და დაურიგეთ თქვენი ოჯახის წევრებს საგანგებო სიტუაციების საოჯახო გეგმა;

7.3. განახორციელეთ შემდეგი ქმედებები:

იქონიეთ საგანგებო სიტუაციების დროს საჭირო სატელეფონო ნომრები (სახანძრო, პოლიცია, საგანგებო სიტუაციების სამსახური, სასწრაფო დახმარება, სხვა...);

ასწავლეთ ბავშვებს, როგორ დარეკონ საგანგებო სიტუაციების სამსახურში, სასწრაფო სამედიცინო დახმარების ცენტრში, სახანძრო სამსახურში და სხვა...



აჩვენეთ თქვენი ოჯახის წევრებს, თუ როგორ უნდა გამორთონ გაზი, წყალი და ელექტროენერგია ძირითადი უსაფრთხოების საკეტიდან;

ასწავლეთ თქვენი ოჯახის წევრებს ხანძარსაწინააღმდეგო აღჭურვილობის გამოყენება და მისი ადგილმდებარეობა;

შეარჩიეთ უსაფრთხო ადგილები სახლში თითოეული ტიპის

კატასტროფისათვის.

მოამზადეთ ჩანთა საგანგებო

სიტუაციებისათვის ყველა საჭირო ნივთით;

მიიღეთ მონაწილეობა პირველი

დახმარების სემინარებში, რომლებიც

ორგანიზებულია წითელი ჯვრის ან/და

სხვა შესაბამისი დაწესებულების მიერ.

განსაზღვრეთ თქვენი სახლიდან საუკეთესო

საევაკუაციო გზები. სახლში განსაზღვრეთ

უსაფრთხო ადგილები.

გაათავისუფლეთ ოთახის კარი და

შემოსასვლელი დიდი ზომის ნივთებისაგან.

